

PWYLLGOR

PWYLLGOR LLYWODRAETHU AC ARCHWILIO

DYDDIAD

6 CHWEFROR 2025

TEITL

GWEITHREDU PENDERFYNIADAU Y PWYLLGOR

PWRPAS YR ADRODDIAD

CYFLWYNO DIWEDDARIAD AR WEITHREDU PENDERFYNIADAU  
BLAENOROL Y PWYLLGOR

AWDUR

DEWI MORGAN, PENNAETH CYLLID

GWEITHREDIAD

ER GWYBODAETH

## 1. CYFLWYNIAD

- 1.1 Pwrpas yr adroddiad yma yw rhoi amlinelliad o sut mae adrannau'r Cyngor wedi ymateb i benderfyniadau'r Pwyllgor Llywodraeth ac Archwilio, fel bod modd i'r aelodau gael sicrwydd fod eu penderfyniadau yn cael sylw.
- 1.2 Mae hyn yn cyfrannu at roi sicrwydd i'r aelodau fod trefniadau llywodraethu'r Cyngor yn gweithredu'n effeithiol.
- 1.3 Mae'r eitem hon yn gyfle i holl aelodau'r Pwyllgor Llywodraethu ac Archwilio ystyried y penderfyniadau a wnaed. Lle mae'r weithrediad wedi ei gwblhau, neu lle nad oedd gweithrediad pellach yn angenrheidiol, mae'r llinell yn cael ei dynnu o'r tabl ar ôl i'r Pwyllgor ystyried y mater.

## 2. PENDERFYNIADAU ERS SEFYLDU'R CYNGOR NEWYDD (MAI 2022)

### Cyfarfod 9 Chwefror 2023

Eitem	Penderfyniad	Diweddariad
DIWEDDARIAD AR ADRODDIADAU SYDD WEDI EU CYHOEDDI YN DDIWEDDAR GAN ARCHWILIO CYMRU	<ul style="list-style-type: none"><li>• Derbyn yr adroddiad ac ymateb y rheolwyr i argymhellion 'Trefniadau ar gyfer ymateb i Ddeddf Llywodraeth Leol ac Etholiadau (Cymru) 2021</li><li>• Cyflwyno adroddiad ymhen 6 mis i ddiweddarau'r Pwyllgor ar drosglwyddo swyddogaethau Bwrdd Uchelgais Economaidd Gogledd Cymru i is-bwyllgor grymusol Cydbwyllgor Corfforedig y Gogledd fel bod modd symleiddio llywodraethu ac osgoi dyblygu rhwng y ddau gorff</li><li>• Derbyn yr adroddiad ac ymateb y rheolwyr i argymhellion "Diweddariad ar Gynnydd Datgarboneiddio"</li></ul>	<b>O safbwynt trosglwyddo swyddogaethau Bwrdd Uchelgais Economaidd Gogledd Cymru i is-bwyllgor grymusol Cydbwyllgor Corfforedig y Gogledd, mae'r cynllun yn symud yn ei flaen ar lefel rhanbarthol. Y dyddiad targed trosglwyddo bellach yw 1 Ebrill 2025.</b>

Eitem	Penderfyniad	Diweddariad
<p>GWEITHREDU PENDERFYNIADAU'R CYNGOR</p>	<p>Derbyn cynnwys yr adroddiad. Nodyn: Ychwanegu i'r daflen penderfyniad:</p> <ul style="list-style-type: none"> <li>• Bod angen cynnal sesiwn gwybodaeth ar y maes digartrefedd i aelodau'r Pwyllgor ddeall y maes yn well ac i ddeall y rhesymau pam fod costau yn y maes mor uchel</li> <li>• Dymuniad y Pwyllgor i dderbyn hyfforddiant Ffordd Gwynedd</li> </ul>	<ol style="list-style-type: none"> <li>1. Dim sesiwn wedi ei drefnu hyd yma - angen cadarnhau cynnwys y sesiwn er mwyn i swyddogion o'r Adran Tai ac Eiddo baratoi'n addas.</li> <li>2. Mae hyfforddiant Ffordd Gwynedd wedi ei adolygu a'i addasu'n ddiweddar gyda sesiwn ar y gweill ar gyfer aelodau'r Cabinet. Bydd yr Uned Hyfforddi yn trefnu sesiwn cyffelyb i aelodau'r Pwyllgor Llywodraethu ac Archwilio yn fuan.</li> </ol>
<p>DATGANIAD LLYWODRAETHU BLYNYDDOL CYNGOR GWYNEDD AR GYFER 2023/24</p>	<p>Derbyn yr adroddiad. Cymeradwyo'r Datganiad Llywodraethu Blynyddol ac argymhell fod Arweinydd y Cyngor a'r Prif Weithredwr yn ei arwyddo</p> <p>Nodyn:</p> <ul style="list-style-type: none"> <li>• Angen ail ystyried sgôr tebygolrwydd Cyfreithlondeb</li> <li>• Angen ystyried adolygu'r cwestiynau ac addasu'r ddogfen i fod yn eglur i drigolion Gwynedd - er yn cydymffurfio â chanllawiau CIPFA, awgrym i ystyried cyfuno gyda'r asesiad o drefniadau llywodraethu sydd wedi ei gynnwys yn Hunanasesiad Cyngor Gwynedd i osgoi dyblygu gwaith</li> </ul>	<p>Mae'r sgôr Cyfreithlondeb wedi cael ei ystyried gan y Grŵp Llywodraethu (gan gynnwys y Swyddog Monitro) sydd wedi dod i gasgliad fod y sgôr presennol yn briodol.</p> <p>Bydd arddull y dogfen yn cael ei ystyried wrth baratoi Datganiad 2025.</p>
<p>ADRODDIAD PERFFORMIAD BLYNYDDOL AC HUNANASESIAD (drafft) CYNGOR GWYNEDD 2023/24</p>	<p>Derbyn yr Adroddiad Perfformiad Blynyddol a'r Hunanasesiad Drafft 2023/24.</p> <p>Nodyn:</p> <ol style="list-style-type: none"> <li>1. Angen ystyried trefniadau ymgynghori priodol i'r dyfodol i sicrhau mewnbwn trigolion Gwynedd yn y broses</li> <li>2. Angen cynnwys y Pwyllgor yn gynharach yn y broses – awgrym i gynnal gweithdy gyda'r Aelodau fel bod y Pwyllgor yn cael mewnbwn a gwell cyfle i gynnig argymhellion</li> <li>3. Wrth gyflwyno data – angen sicrhau eglurhad llawn e.e, osgoi categorïau ieithyddol mewn ysgolion uwchradd</li> </ol>	<p>1.Mae bwriad i gymryd rhan yn yr Arolwg Preswylwyr Cenedlaethol sy'n cael ei gydlynu gan Data Cymru a Chymdeithas Llywodraeth Leol Cymru yn fuan yn ystod 2025, gyda unrhyw adborth yn bwydo i mewn i hunanasesiadau yn y dyfodol.</p>

	<p>4. Cynyddu Cyflenwad o Dai i Bobl Leol - angen amlygu'r effaith ac nid y nifer yn unig</p> <p>Prosiectau Gwynedd Yfory</p> <ul style="list-style-type: none"> <li>• Moderneiddio Adeiladau ac Amgylchedd Dysgu - ychwanegu bod arolygiad RAC wedi ei gynnal</li> <li>• Hyrwyddo Llesiant Plant a Phobl Ifanc - ychwanegu bod cynlluniau / ymgyrchoedd yn eu lle gan yr Adran Addysg i wella presenoldeb disgyblion</li> <li>• Ymestyn Cyfleoedd Chwarae a Chymdeithasu – ychwanegu cefnogaeth ariannol ychwanegol gan y Cyngor i Ganolfannau Byw'n Iach – hyn wedi bod yn benderfyniad positif</li> </ul>	<p><b>2. Gwaith yn mynd rhagddo i geisio adnabod y ffordd orau i gael mewnbwn gan y Pwyllgor yn gynt yn y broses.</b></p> <p><b>3. Dim gweithrediad Pellach</b></p> <p><b>4. Dim gweithrediad Pellach</b></p>
--	--	---

### Cyfarfod 10 Hydref 2024

Eitem	Penderfyniad	Diweddariad
<p>MATERION BRYG -</p> <p>1. Pryder am y risgiau uchel sydd ynghlwm a heriau cyfreithiol yn erbyn y Cyngor.</p> <p>2. Tynnu sylw bod dwy sedd wag yn parhau ar y Pwyllgor</p>	<p>Cais i'r Cadeirydd drafod y pryderon gyda'r Pennaeth Cyllid fel bod modd i Aelodau'r Pwyllgor gael dealltwriaeth well o drefniadau'r Cyngor</p>	<p><b>Cynhaliwyd cyfarfod rhwng y Prif Weithredwr a'r Cadeirydd i drafod y pryderon ar Ionawr y 14eg.</b></p>
<p>ARCHWILIO CYMRU: GOFAL BRYG AC ARGYFWNG: 'LLIF ALLAN O'R YSBYTY – RHANBARTH GOGLEDD CYMRU'</p>	<ul style="list-style-type: none"> <li>• Derbyn cynnwys yr adroddiad</li> <li>• Cyflwyno diweddariad ar yr argymhellion ymhen 12 mis</li> </ul>	<p><b>Disgwylir diweddariad ymhen 12 mis.</b></p>
<p>CYLLIDEB REFENIW 2024/25 ADOLYGIAD DIWEDD AWST 2024</p>	<ul style="list-style-type: none"> <li>• Derbyn yr adroddiad gan nodi'r sefyllfa a'r risgiau yng nghyswllt cyllidebau'r Cyngor a'i adrannau</li> <li>• Cytuno gyda'r argymhelliad i'r Cabinet:</li> <li>• Trosglwyddo £1,868k o danwariant ar gyllidebau corfforaethol i Gronfa Cefnogi Strategaeth Ariannol y Cyngor</li> </ul> <p>Nodyn: Gwaith sydd wedi ei gomisiynu gan y Prif Weithredwr i gael gwell dealltwriaeth o orwariant eithriadol gan yr Adran Oedolion Iechyd a Llesiant: cais i'r Cabinet herio beth yw</p>	<p><b>Mae'r arian bellach wedi ei drosglwyddo i Gronfa Cefnogi Strategaeth Ariannol y Cyngor.</b></p> <p><b>Derbyniwyd diweddariad gan y Cyfarwyddwr Gwasanaethau Cymdeithasol yng nghyfarfod Ionawr 16 – Mae'r pwynt gweithredu yma wedi ei</b></p>

	amserlen y gwaith yma – angen sicrwydd bod y gwaith yma yn ei le i osod cyllideb	<b>ymgorffori a'i gynnwys fel rhan o'r Eitem isod ar Adolygiad Diwedd Tachwedd 2024.</b>
--	--	--

### Cyfarfod 28 Tachwedd 2024

Eitem	Penderfyniad	Diweddariad
ADRODDIAD ARCHWILIO ARBENNIG – GOFAL CARTREF	<ul style="list-style-type: none"> <li>• Derbyn cynnwys yr adroddiad a nodi'r wybodaeth</li> <li>• Angen diweddariad pellach yn rhoi sicrwydd bod y sefyllfa yn gwella, gyda mewnbwn gan y Prif Weithredwr</li> </ul>	<b>Archwilio Cymru yn cyflwyno eu adroddiad ym mhwyllgor Chwefror 2025 gan roi cyfle arall i drafod a darparu diweddariad.</b>
ADRODDIAD BLYNYDDOL CWYNIION A GWELLA GWASANAETH 2023-24	<ul style="list-style-type: none"> <li>• Derbyn yr adroddiad</li> <li>• Derbyn cynnig Pennaeth Gwasanaethau Corfforaethol i gyflwyno adroddiad pellach fydd yn gosod cyd-destun i bolisiau a threfniadau gwella gwasanaeth</li> </ul>	<b>Pennaeth Gwasanaethau Corfforaethol i gyflwyno adroddiad ym mhwyllgor Chwefror 2025 er mwyn darparu fwy o fanylder.</b>

### Cyfarfod 16 Ionawr 2025

Eitem	Penderfyniad	Diweddariad
GWEITHREDU PENDERFYNIADAU'R CYNGOR	<ul style="list-style-type: none"> <li>• Derbyn cynnwys yr adroddiad</li> <li>• Archwiliad Ceisiadau Rhyddid Gwybodaeth - cais am adroddiad yn nodi Trefniadau'r Cyngor i ymdrin â materion Rhyddid Gwybodaeth</li> </ul> <p>Nodyn: Gwastraff ac Ailgylchu – adolygiad WRAP i'w rannu gyda'r Aelodau</p>	

<p>CYLLIDEB REFENIW 2024 / 25 – ADOLYGIAD DIWEDD TACHWEDD 2024</p>	<ul style="list-style-type: none"> <li>• Derbyn yr adroddiad gan nodi'r sefyllfa a'r risgiau yng nghyswllt cyllidebau'r Cyngor a'i adrannau</li> <li>• Cytuno gyda'r argymhellion i'r Cabinet:</li> </ul> <p>Nodyn:</p> <ol style="list-style-type: none"> <li>1 Gwaith sydd wedi ei gomisiynu gan y Prif Weithredwr i gael gwell dealltwriaeth o orwariant gan yr Adran Oedolion Iechyd a Llesiant - cais i'r Cabinet herio beth yw amserlen y gwaith yma – angen sicrwydd bod y gwaith yma yn ei le i osod cyllideb</li> <li>2 Gwaith sydd wedi ei gomisiynu gan y Prif Weithredwr i egluro manylder y darlun yng ngofal Plant, er mwyn cael gwell dealltwriaeth o'r materion a rhaglen glir i ymateb. – angen cyflwyno dadansoddiad manylach o'r gwaith i'r Pwyllgor</li> <li>3 Cais am wybodaeth ar sut mae rhagolygon ariannol Gwynedd yn cymharu gyda Chynghorau eraill</li> <li>4 Gwybodaeth am incwm uwch gan y gwasanaeth profedigaeth marwolaethau, diffyg incwm parcio a manylion 'pres y pen' i'w rannu'n uniongyrchol gyda'r Cyng. Angela Russell</li> </ol>	<p><b>1.Y Cyfarwyddwr Statudol Gwasanaethau Cymdeithasol wedi adrodd i'r Pwyllgor yn ystod cyfarfod Ionawr 16.</b></p> <p><b>2. Mae trefniadau i'r Cyfarwyddwr Statudol Gwasanaethau Cymdeithasol adrodd yn fuan yn y flwyddyn ariannol newydd.</b></p> <p><b>3. Bwriedir adrodd ar lafar i'r Pwyllgor ar Chwefror 6 o ran sut mae sefyllfa Gwynedd yn cymharu gyda cynghorau eraill.</b></p>
<p>RHAGLEN GYFALAF 2024 / 25 – ADOLYGIAD DIWEDD TACHWEDD 2024</p>	<ul style="list-style-type: none"> <li>• Derbyn yr adroddiad gan nodi'r sefyllfa a'r risgiau yng nghyswllt rhaglen gyfalaf y Cyngor.</li> </ul>	<p><b>Dim gweithrediad pellach.</b></p>
<p>TROSOLWG ARBEDION: ADRODDIAD CYNNYDD AR WIREDDU CYNLLUNIAU ARBEDION</p>	<ul style="list-style-type: none"> <li>• Derbyn y wybodaeth gan nodi'r sefyllfa a'r risgiau cyffredinol sydd yn deillio o lithriadau yn yr arbedion</li> <li>• Cefnogi fod y Cabinet yn cymeradwyo dileu un cynllun arbedion gwerth £146,910 perthnasol i 2025/26 yn y maes gwastraff yn yr Adran Amgylchedd, gan ddefnyddio'r ddarpariaeth a osodwyd o'r neilltu yn y gyllideb er mwyn gwneud hynny.</li> <li>• Diolch i bawb oedd yn gysylltiedig â'r adroddiad - gwaith heriol iawn wedi ei gyflwyno mewn modd dealladwy</li> </ul>	<p><b>Dim gweithrediad pellach.</b></p>

<p>ADRODDIADAU ARCHWILIO CYMRU</p>	<ul style="list-style-type: none"> <li>• Derbyn yr adroddiad Cenedlaethol a Lleol</li> <li>• Derbyn ymateb y Cyngor i'r argymhellion</li> </ul> <p>Nodyn:</p> <ul style="list-style-type: none"> <li>• Yn dilyn derbyn cefnogaeth a chanllawiau CIPFA, Rhaglen Waith yr ymateb i'w chyflwyno i'r Pwyllgor erbyn Mawrth 2026</li> <li>• Adroddiadau Perfformiad fydd yn cael eu cyflwyno i Bwyllgorau Craffu i arddangos bod y gofynion statudol yn cael eu cyfarch</li> </ul>	<p><b>Disgwylir i'r pwyntiau gweithredu yma gael eu cwblhau yn amserol.</b></p>
<p>BLAEN RAGLEN Y PWYLLGOR</p>	<ul style="list-style-type: none"> <li>• Derbyn y Rhaglen waith ar gyfer Chwefror 2025 – Ionawr 2026</li> </ul> <p>Cais i ychwanegu:</p> <ul style="list-style-type: none"> <li>• Rhaglen Datblygu'r Pwyllgor</li> <li>• Blaenraglen Archwilio Mewnol</li> <li>• Blaenoriaethau Archwiliadau – dilyniant i argymhellion</li> <li>• Mwy o wybodaeth am Ffordd Gwynedd</li> <li>• Dilyniant i wybodaeth ar sefyllfa ariannol Adran Oedolion, Iechyd a Llesiant a'r Adran Plant a Chefnogi Teuluoedd</li> <li>• Angen cynnal sgwrs rhwng yr adrannau perthnasol i drafod effaith gwrthod cynlluniau tai fforddiadwy ar ysgolion Gwynedd i'r dyfodol</li> </ul>	<ul style="list-style-type: none"> <li>• I'w ystyried fel rhan o Raglen Datblygu'r Pwyllgor</li> <li>• Mae eitemau wedi eu rhaglennu er mwyn diweddarau'r pwyllgor ar sefyllfa ariannol yr Adran Oedolion a'r Adran Plant.</li> <li>• Rhoddwyd sylw i'r mater 'effaith gwrthod cynlluniau tai fforddiadwy ar ysgolion' ym Mhwyllgor Craffu Cymunedau Ionawr 23 gydag awgrym i'w gynnwys ar raglen y Pwyllgor Craffu Addysg ag Economi.</li> </ul>

### 3. ARGYMHELLIAD

3.1 Gofynnir i'r Pwyllgor Llywodraethu ac Archwilio ystyried cynnwys y tablau uchod a chynnig unrhyw sylwadau.